

AREKEN, FLOODS mo LEPTOSPIROSIS

Areken mo ol narafala disasta oli save inkrisim Risk blong Series Infeksen

Leptospirosis hemi wan sik we ol jem (bacteria) I kosem mo hemi save lid I ko long ol series sik o ilnes olsem liva felia, menanjaetis (o sik long envelop blong bren) man ino save pulum win gud, mo I save lusum blad

Leptospirosis I save inkris afta wan areken o flood sapos ol pipol oli wokabaot long wota we hemi no seif o ino klin o wota we ol man oli dring o swim long hem

Hao nao pipol I kasem sik leptospirosis?

Ol pipol oli save kasem sik ia taem oli kat kontakt wetem wota o kraon we I kat pispis o narafala fluid blong bodi blong wan animol we hemi kat infeksi o spaos ol pipol oli tajem stret pispis blong wan animol we I kat sik. Plante kaen animol I save spredem sik ia leptospirosis olsem ol dog, laefstok mo ol wael animol

Wanem nao ol saen blong sik leptospirosis?

Ol saen blong sik leptospirosis I save stat bitwin 4 kasem 14 dei afta we man I kat kontakt wetem jem ia bacteria we hemi kosem leptospirosis. Be tu, ol saen oli save stat bitwin 2kasem 30 dei afta long kontakt wetem jem blong sik ia.

Ol eli saen hemi inkludum:

- Fiva
- Hed I so
- Ol masel o bodi I soso
- Red ae
- Man I traot
- Diarrhea o sitsit wora
- Bel I so
- Jaundice o kala blong skin mo ae I ielo
- Skin rash -
- Kof

Whu ia I stap long risk?

Leptospirosis plante taem hemi save afektem ol pipol we oli wok aotsaed o wetem ol animol o long olgeta we oli tek pat long ol aktiviti we hemi involvem wota o kraon, o swim o taem oli mekem karen.

Afta long wan flood o hevi ren, eniwan we I kat kontakt wetem floodwota, fres wota (olsem riva o strim) o kraon we I kat ol jem blong sik ia -hemi kat hae rsk blong kasem sik leptospirosis.

Ol aktiviti we oli save inkrisim risk blong kasem leptospirosis hemi olsem:

- Dring wota we hemi gat jem o bebet we I kamaot long wota sos, ol flood wota, strim, riva o tap wota we in no seif.
- Swim o wokabaot long ol floodwota o ol fres wota we I kat jem long hem o espesi li taem man I putum hed blong hem. anda long wota, o sapos man I kat wan open soa o sikras.
- Man I kakai kakae we hemi expos long rabis wota, o wota we I kat pispis blong rat long hem.




Hao nao yu save stopem leptospirosis:

Gudfala wei blong stopem o priventem leptospirosis hemi blong no tajem o dring wota we ino seif o I kat jem long hem. Sapos hemia ino posibol folem ol steps ia blong ridiusum risk blong no kasem sik leptospirosis.

Hao blong tritim leptospirosis?

- Tritim wota blong mekem I seif blong drink –olsem yu boelem o usum purifikesen tablet blong tritim wota espe-seli lon ol wota we pipol I kolektem long sos blong wota we hemi expos long pispis blong ol animol o wota we flood i kasem o ron antap long hem
- Kaveremap ol soa o ol injuri wetem wotapruf bandej o plasta
- No wokabaot, swim wasem hed o swolem floodwota o fres wota o kraon we I save kat bebet/jem blong sik leptospirosis
- Werem wotapruf o klos we I save protektem man, werem shoes o buts klosap long floodwota o wota o kraon we I save kat pispis blong ol animol
- Mekem sua blong gat wan klin mo helti envaeromen blong stopem rat.
- No kakai ol kakae we rat I bin kakai



Wasem han wetem sop oltaem

- Bifo mo afta preperem kakai
- Bifo mo afta kakae
- Afta yusum tolet
- Afta we yu pleple wetem animol



AREKEN, FLOODS mo SIK LEPTOSPIROSIS



**Blong mo infomesen kolek:
22512 Ministry blong Helt**